



Broj: 03/7-01-02-4-2447/25

Sarajevo, 14. 11. 2025.

Parlamentarna skupština BiH
Kolegij Predstavničkog doma
Ustavnopravna komisija Predstavničkog doma

5

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

PRIMLJENO: 14-11-2025			
Organizaciona jedinica	Klasifikaciona oznaka	Jedini broj	Broj priloga

Na osnovu člana 106. st. (1) i (2) i 186. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), te čl. 1. i 2. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Bosne i Hercegovine daje sljedeće

Mišljenje

o

Prijedlogu dopuna Poslovnika Predstavničkog doma Parlamentarne skupštine Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine Bosne i Hercegovine (u daljnjem tekstu: Zakonodavno-pravni sektor) zaprimio je 14. 11. 2025. dopis predsjedavajućeg Predstavničkog doma Parlamentarne skupštine Bosne i Hercegovine broj: 01-02-4-2447/25 od 13. 11. 2025. godine, kojim se u skladu sa članom 106. stav (1) Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovník), dostavlja Prijedlog dopuna Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Prijedlog dopuna Poslovnika), radi mišljenja o usklađenosti sa članom 105. Poslovnika i Jedinstvenim pravilima za izradu pravnih propisa u institucijama BiH (u daljnjem tekstu: Jedinstvena pravila).

Prijedlog dopuna Poslovnika podnio je Denis Zvizdić, poslanik u Predstavničkom domu Parlamentarne skupštine Bosne i Hercegovine, u skladu sa članom 186. Poslovnika.

II. Prijedlog dopuna Poslovnika podnesen je u skladu sa članom 105. stav (1) Poslovnika, u pisanoj i elektronskoj formi, na jednom od jezika i pisama koji je u službenoj upotrebi u Bosni i Hercegovini.

Uz Prijedlog dopuna Poslovnika dostavljeno je obrazloženje koje sadrži elemente iz člana 105. stav (3) tač. a), b), c) i d) Poslovnika. U skladu sa članom 105. stav (4), kada je poslanik predlagач, mišljenje Direkcije za evropske integracije BiH o usklađenosti Prijedloga dopuna Poslovnika sa pravno obavezujućim normama EU, iz člana 105. stav (3) tačka e) Poslovnika, pribavlja Kolegij Doma.

Također, u skladu sa članom 105. stav (5) Poslovnika, uz Prijedlog dopuna Poslovnika priložen je član koji se dopunjava, te verzija prečišćenog teksta Poslovnika.

III. U pogledu usklađenosti Prijedloga dopuna Poslovnika sa Jedinstvenim pravilima, utvrđeno je da Prijedlog dopuna Poslovnika svojom strukturom, formom i stilom odražava pravila izrade pravnih propisa kako je to i propisano Jedinstvenim pravilima.

Međutim, u obrazloženju Prijedloga dopuna Poslovnika u procjeni finansijskih sredstava za provedbu dopuna Poslovnika navedeno je da nisu potrebna dodatna finansijska sredstva, te da će se sredstva za rad Komisije za saradnju sa iseljeništvom obezbjediti u okviru redovnog godišnjeg Budžeta Parlamentarne skupštine Bosne i Hercegovine.


Mišljenja smo da je u ovom dijelu Obrazloženja potrebno navesti da su potrebna finansijska sredstva za administrativno tehničku podršku za rad Komisije te da će ista biti planirana u Budžetu Parlamentarne skupštine Bosne i Hercegovine. U skladu sa navedenim ukazujemo na član 65. (Procjena finansijskih sredstava i dobiti) Jedinstvenih pravila, a naročito imajući u vidu da je predlagач u Obrazloženju naveo da pitanja koja Komisija razmatra u nadležnosti su Ministarstva za ljudska prava i izbjeglice Bosne i Hercegovine i Vjeća ministara BiH kome bi Komisija bila podrška.

Također, s obzirom na potrebu administrativno tehničke podrške u radu komisije ukazujemo na neophodnost izmjene odnosno dopune Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine Bosne i Hercegovine.

Uvidom u tekst važećeg Poslovnika utvrđeno je da se sastoji od osnovnog teksta i deset izmjena odnosno dopuna, te ukazujemo na član 46. Jedinstvenih pravila (Svrha i obim izmjena i dopuna) u kojem se navodi da je nakon treće izmjene, odnosno dopune propisa potrebno pristupiti donošenju novog propisa. Zatim, u članu 54a. Jedinstvenih pravila (Novelacija teksta propisa) navodi se da novelirani tekst propisa predstavlja ukupnost važećih odredbi jednog propisa koji je više puta mijenjan odnosno dopunjavan.

Rukovodilac
Zakonodavnopravnog sektora

Bojan Šehovac



Dostavljeno:

- naslovu;
- a/a.